

Հայկ Նազարյան

Պատմական գիտությունների թեկնածու
Հայաստանի պարմության թանգարան
nazaryan_h90.90@mail.ru

1826 – 1828 թթ. ՌՈՒՄ - ՊԱՐՍԿԱԿԱՆ ՊԱՏԵՐԱԶՄԻՆ ՄԱՍՆԱԿՑԱԾ ՀԱՅԿԱԿԱՆ ԱՇԽԱՐՀԱԶՈՐԱՅԻՆ ԴՐՈՒԺԻՆԱՆԵՐԻ ՀԱՍՏԻՔԱԿԱԶՄԸ, ԹՎԱԿԱԶՄԸ, ՀԱՄԱԶԳԵՍՏԸ, ՄՊԱՌԱԶԻՆՈՒԹՅՈՒՆԸ ԵՎ ՄԱՐՏԱԿԱՆ ԴՐՈՇՆԵՐԸ*

Հիմնադրանք. Ռուս - պարսկական պատերազմ, Այսրկովկաս, Ռուսական կայսրություն, Ռուսական բանակ, կամավորական ջոկատ, աշխարհագրային դրուժինա, Ներսես արքեպիսկոպոս:

18-րդ դարի վերջին և 19-րդ դարի սկզբին Ռուսական կայսրությունն աստիճանաբար իր տիրապետությունը հաստատեց Այսրկովկասում, այդ թվում՝ Արևելյան Հայաստանում: Այդ գործընթացն արձանագրվեց իրավաքաղաքական հետևյալ փաստաթղթերով. Վրացական թագավորության՝ Ռուսական կայսրության խնամակալության տակ անցնելու մասին 1783թ. հուլիսի 24-ի Գեորգիևսկյան դաշնագրով (բնագիր տեքստը տե՛ս Հայաստանի ազգային արխիվ (այսուհետ՝ ՀԱԱ), ֆ, 501, ց.1, գ.3, թ.1–13), Վրաստանը Ռուսական կայսրությանը միացնելու մասին 1801թ. սեպտեմբերի 12-ի Ալեքսանդր 1-ին կայսեր մանիֆեստը (ձեռագիր տեքստը տե՛ս ՀԱԱ, ֆ, 151, ց.1, գ.388, թ.1 և շրջ.), Ռուսական կայսրության և Պարսկական պետության միջև 1813թ. հոկտեմբերի 12-ի Գյուլիստանի (տեքստը տե՛ս Договоры России 1869, 208–214) և Ռուսական կայսրության և Պարսկական պետության միջև 1828թ. փետրվարի 10-ի (տեքստը տե՛ս Договоры России 1869, 214–222) հաշտության պայմանագրերով:

Այսրկովկասում հայ-ռուսական ռազմական համագործակցությունը սկզբնավորվել էր դեռևս 1722–1723թթ.՝ Պյոտր 1-ին Կայսեր կողմից ձեռնարկված Պարսկական կամ Կասպիական արշավանքի ժամանակ (այդ մասին մանրամասն տե՛ս Խաչատրյան 1972): Արշավանքի ժամանակ կազմավորվեց և մինչև 1964թ. իր գոյությունը պահպանեց հայկական հեծյալ զորամասը՝ «Հայկական էսկադրոնը», որի անձնակազմի թիվը հասնում էր 600-ի: Էսկադրոնի առաջին հրամանատարը Պետրոս Դի Խաչիկն էր, ում սպանվելուց (1724թ.) հետո նրան փոխարինեց Լազար Խրիստաֆորովը (Աղազար Դի Խաչիկի), ում 1734թ. շնորհվեց գեներալ – մայորի զինվորական կոչում (Գրիգորյան 1957, 10–11):

* Ստացվել է 06.06.2022թ., ուղարկվել է գրախոսման 06.06.2022թ., ընդունվել է տպագրության 05.08.2022թ.:

Այդ համագործակցությունն ավելի ցայտուն դրսևորվեց 1804–1813 թթ. և, հատկապես, 1826–1828 թթ. Ռուս-պարսկական պատերազմներում (ռազմական գործողությունների թատերաբեմի քարտեզը տես ՀԱԱ, ֆ, 247, ց. 2, գ. 8, թ. 1–2), աչքի ընկան և ռուսական բանակի հաղթանակում վճռական դերակատարությունն ունեցան հայազգի զինվորականությունն ու հայ կամավորական ջոկատներն ու աշխարհագորային դրուժինաները:

1826 թ. հուլիսի 16-ին սկսված Ռուս-պարսկական հերթական պատերազմի սկզբին հայ կամավորականներն իրենց արիությամբ առաջինն աչքի ընկան Շուշիի բերդի (բերդի գլխավոր հատակագիծը տես ՀԱԱ, ֆ, 247, ց. 2, գ. 4, թ. 1) պաշտպանության ժամանակ: Բերդում, որը պաշարվեց պարսից թագաժառանգ Աբաս-Միրզայի շուրջ 60 000-ոց զորքի (Երիցեանց 1894, 234) կողմից, փակվեցին գնդապետ Իոսիֆ Ռեուտի հրամանատարությամբ գործող ռուսական 42-րդ Եգեքյան գնդի 6 վաշտ, իսկ 3 վաշտ (մեկ գումարտակ՝ փոխգնդապետ Նազիմկայի հրամանատարությամբ), մերժում են տեղի հայերի առաջարկը, այն է ուղեկցել լեռնային արահետով դեպի Շուշի, կտրված մնացին Զանգեզուրում (Սորտո 1902, 59–60): Արդյունքում, Ախ-Ղարաչայ գետի ափին գումարտակը (21 սպա մոտ 1000 զինվոր և երկու թնդանոթ) ոչնչացվում է պարսիկների կողմից, և միայն հայ գյուղացիության շնորհիվ փրկվում են 2 սպա և 6 զինվոր (Երիցեանց 1894, 235):

Ինչ վերաբերում է Շուշիի բերդի պաշտպանությանը (այդ մասին մանրամասն տես Սորտո 1903), որը ձգվեց 1826 թ. հուլիսի 25-ից մինչև սեպտեմբերի 10-ը, ապա այն պաշտպանում էին ռուսական գնդի շուրջ 2700 զինվորներն ու սպաները՝ 6 հրանոթով, 420 կոզակներ (Սորտո 1888, 68), ինչպես նաև 1500 հայ կամավորականները (Մեր հաղթանակները 2012, 51):

Բերդի պաշտպանների հերոսության շնորհիվ պարսիկներն այդպես էլ չկարողացան վերցնել բերդը, որի պաշարման վերացմանը նպաստեց հայազգի գեներալ-մայոր Վալերիան Մադաթովի հրամանատարությամբ գործող զորաջոկատի կողմից 1826 թ. սեպտեմբերի 3-ին Շամխորի ճակատամարտում (այդ մասին մանրամասն տես Սորտո 1907a), իսկ սեպտեմբերի 13-ին գեներալ-մայոր Վ. Մադաթովի ու հետևագործի գեներալ Իվան Պասկևիչի զորաջոկատների կողմից Ելիզավետպոլի ճակատամարտում¹ (այդ մասին մանրամասն տես Սորտո 1907b) պարսկական զորքերի ջախջախումը: Այս հաղթանակներից հետո գեներալ-լեյտենանտի զինվորական կոչման արժանացած Վ. Մադաթովի զորաջոկատի կազմում կռվում էին տարբեր տվյալներով 2 000-ից մինչև 6 000 հայ հեծյալ աշխարհագորայիններ (Русско-армянское сотрудничество 1978, 59, 95), սակայն ավելի հավանական թիվ պետք է ընդունել 2000-ը:

¹ Լրացուցիչ տես ռուս նշանավոր մարտական գեղանկարիչ Ֆրանց Ռուբոյի «Ճակատամարտ Ելիզավետպոլի տակ՝ 1826 թ. սեպտեմբերի 13-ին» և մեկ այլ ռուս նշանավոր մարտական գեղանկարիչ Վլադիմիր Մոշկովի (Մաշկովի) «Պարսիկների պարտությունը Ելիզավետպոլի ճակատամարտում» կտաժները: Կովկասյան պատերազմների թեմայով Ֆ. Ռուբոյի կտաժների մասին մանրամասն տես Садовень 1955, 356–362, իսկ Կովկասյան պատերազմների թեմայով Վ. Մոշկովի կտաժների մասին մանրամասն տես՝ նույն տեղում, 74–81:

Պատերազմում խիզախությամբ աչքի ընկան ևս երկու կամավորական հեծյալ ջոկատներ: Դրանցից առաջինը Շամշադինի ու Ղազախի հայ երիտասարդներից (շուրջ 500 հեծյալ) կազմված և Գրիգոր եպիսկոպոս Մանուչարյանի հրամանատարությամբ գործող հեծյալ ջոկատն² էր: Վերջինս ստեղծվել էր դեռևս 1804–1813 թթ. Ռուս-պարսկական պատերազմի սկզբին և ակտիվ մասնակցություն ունեցավ ինչպես այդ պատերազմին այնպես էլ 1826–1828 թթ. պատերազմին (ջոկատի մարտական ուղու մասին մանրամասն տե՛ս Գրիգորյան 1978):

Հայ երկրորդ հայտնի կամավորական հեծյալ ջոկատը, որը 1826–1828 թթ. պատերազմի ժամանակ աչքի ընկավ Գյումրիի մոտ և Փամբակում տեղի ունեցած մարտերում, գործում էր Մարտիրոս Վեկիլովի (Վեքիլյան) հրամանատարությամբ: Վերջինս «ցուցաբերած գերազանց հերոսության համար» արժանացավ ռազմական պարգևի և ստացավ պրապորշիկի զինվորական աստիճան (Գրիգորյան 1957, 136–137):

Վերը նշված հայկական կամավորական ջոկատներից բացի 1826–1828 թթ. պատերազմի ժամանակ կազմավորվեց հայ աշխարհագորային երեք դրոժինա³: Դրանց կազմավորման գործում գլխավոր նախաձեռնողի դերում հանդես եկավ Վրաստանի և Իմերեթի հայոց հոգևոր առաջնորդ Ներսես արքեպիսկոպոսը⁴: Դեռևս պատերազմի սկզբին Թիֆլիսում կայացած զինվորական խորհրդի նիստից (նախագահությամբ՝ Առանձին կովկասյան կորպուսի հրամանատար, Հետևագործի գեներալ Ալեքսեյ Երմոլովի և մասնակցությամբ՝ արքեպիսկոպոս Ներսեսի) հետո 1826 թ. հուլիսի 29-ին արքեպիսկոպոս Ներսեսի ստորագրությամբ հայերեն և ռուսերեն լեզուներով հրապարակվում է հայտարարություն-շրջաբերական, որտեղ Այսրկովկասի հայությանը կոչ էր արվում. «Ջե՛նք վեր առնել թշնամու դեմ» (շրջաբերականի ռուսերեն արխիվային բնագիր տարբերակը հրատարակված տե՛ս Русско-армянское сотрудничество 1978, 18–22, իսկ հայերեն տպագիր տարբերակը տե՛ս Երիցեանց 1894, 237–243):

Աշխարհագորային դրոժինաներ ստեղծելու վերաբերյալ արքեպիսկոպոս Ներսեսի և Թիֆլիսի Ներսիսյան դպրոցի տեսուչ Հարություն Ալամդարյանի նախաձեռնությամբ խանդավառությամբ արձագանքեց Այսրկովկասի հայ երիտասարդությունը, որի ներկայացուցիչները տարբեր բնակավայրերից սկսեցին հավաքվել Թիֆլիսում, որը աշխարհագորային դրոժինաների կազմավորման կենտրոնն էր: 1827 թ. մարտի վերջին կամավորագրվածների թիվը հասավ 214-ի, որից «Վրաստանից 67 հոգի (Թիֆլիզեցիք 52, Թիֆլիզի գաւառից 11, Սղնախից 3, Իմերեթից 1), Ղարաբաղից 9, Տաճկաստանցիք (արևմտահայեր–Հ. Ն.) 18 (Արզրումից,

² Լրացուցիչ տե՛ս նկարիչ Հ. Ռուկսյանի «Գրիգոր Մանուչարյանի հեծյալ ջոկատը մարտի պահին» կտավը:

³ Դրոժինա – 19-րդ դարում և 20-րդ դարասկզբին պատերազմական ժամանակաշրջանում Ռուսական բանակի կազմում կազմավորված աշխարհագորային ստորաբաժանում: Թվակազմով համարժեք էր հետևակային գումարտակին, երբեմն էլ հետևակային գնդին (Советская военная энциклопедия 1977, 265):

⁴ 1843–1857 թվականներին եղել է Ամենայն հայոց կաթողիկոս՝ գահակալելով Ներսես Ա Աշտարակեցի անունով:

Ղարսից, Բայազեթից, Վանից, Բաղդատից և այլն) և Պարսից աշխարհներից 130 (Սալմաստից 67, Ուրմեցիք 35, Խոյեցիք 8, Էջմիածնեցիք 11, Երևանցիք 7, Նախիջևանցիք 2)... Հայոց զօրաց հրամանատար եղաւ կապիտան Եագոր Լազարեանը և նորա օգնական՝ պրապօրշչիկ Դաւիթ Ղորղանովը» (Երիցեանց 1894, 279–280):

Շուտով «մարտի 30-ին, աւագ չորեքշաբթի օր, հանդիսատր զօրանցք կատարեցաւ և Ներսէս ձիու վրայ հեծած, սրտաշարժ ճառով ոգևորեց իւր զինուորներուն, և քանի մը անգամ գունդը (դրոժինան – Հ. Ն.) առջևէն անցուց... և նուազածուաց երաժշտութեամբ և կեցցէներու գոռումներով, որոց Ներսէս կը պատասխանէր. «Ապրիք քաջեր, շնորհակալ եմ» (Օրմանեան 1927, 3499–3500):

1827 թ. մայիսի 11-ին հետևագործի գեներալ Ի. Պասկևիչը, Ռուսական բանակի գլխավոր շտաբի պետ, հետևագործի գեներալ Իվան Դիրիչին ուղղված զեկուցագրով, հայտնում է աշխարհագրային դրոժինաների կազմավորման գործընթացի հաջող իրականացման մասին (Գրիգորյան Զ., Ռուս և հայ ժողովուրդների ռազմական համագործակցությունը 19-րդ դարի սկզբին, Երևան, Հայպետհրատ, 1957, 145): Արդեն մայիսի 15-ին կամավորագրվածների թիվը հասել էր 600-ի, և «երկրորդ ծաղկազարդի կիրակի օրը, վանքի մայր եկեղիցին (Սբ. Գևորգ – Հ. Ն.) հանդիսապէս» և բազմաթիւ ռուս զօրավարներու (գեներալների – Հ. Ն.) ներկայութեամբ երդումի արարողութիւնն ու դրոշակի⁵ օրհնութիւնը կատարուեցան, իսկ պարագային համեմատ ոգևորեալ և ոգևորիչ ատենաբանութիւնն ընել Ալամդարեան Յարութիւն քահանային վիճակեցաւ» (Օրմանեան 1927, 3499–3500): Վանքից արդեն դրոժինան «իւր դրոշակով և երաժշտութեամբ գնաց Ղարսը հրապարակը, ուր եկաւ գեներալ <Նիկոլայ> Միպեագինը և, զօրահանդէս կատարելով շատ գոհ մնաց» (Երիցեանց 1894, 247):

Մայիսի 16-ին Թիֆլիսի զինվորական նահանգապետ, գեներալ-լեյտենանտ Նիկոլայ Միպագինը հետևագործի գեներալ Ի. Պասկևիչին հայտնում է, որ Առաջին դրոժինան՝ թվով 117 մարդ, կազմավորված և սպառազինված պատրաստ է միանալու գործող զորքերին (Русско-армянское сотрудничество 1978, 130):

Հայկական առաջին դրոժինան, որի հրամանատարը Սումբատովն էր, Թիֆլիսից «մեկնեցաւ մայիսի 17-ին իւր դրոշակով դէպի Երևան» (Օրմանեան 1927, 3499–3500): Երևանի ճանապարհին դրոժինան համալրվեց և դրա թիվը հասավ հազարի (Լեո 1984, 419):

⁵ Հայկական աշխարհագրային երեք դրոժինաների մարտական դրոշները թեև տարբեր էին, սակայն որպէս ընդհանրություն երեքի վրա էլ պարտադիր պատկերված էր Ռուսական կայսրության պետական զինանշանը. Երկգլխանի արծիվը՝ մեկ ձեռքում բռնած իշխանության խորհրդանիշ գավազանը, մյուս ձեռքում՝ գունդը, որը խորհրդանշում էր երկրի վրա ունեցած իշխանությունը (Տերությունը): Երկու դրոշների դէպքում՝ արծվի գլխավերևում պատկերված է կայսերական թագը, իսկ կրծքավանդակին՝ Սբ. Գևորգի պատկերը, իսկ մեկի դէպքում՝ դրանք բացակայում են: Դրոշներից երկուսի դէպքում արծվի բերանից կախված է Նիկոլայ Առաջին կայսեր անվան սկզբնատառը: Երեք դրոշների համար որպէս ընդհանրություն պետք է նշել նաև դրանց վրա առկա հայերեն լեզվով հոգևոր բնույթի նախադասությունների, ինչպէս նաև երկուսի վրա՝ Հիսուս Քրիստոսի պատկերի առկայությունը (Դրոշները տե՛ս ՀՊԹ, ՆՊՖ 1011, ՀՊԹ, ՆՊՖ 1012, ՀՊԹ, ՆՊՖ 1013), իսկ դրանց լուսանկարները տե՛ս Հավելվածում (նկ. 1, նկ. 2, նկ. 3):

Հայկական աշխարհագրային դրոմիդանների կազմավորման գործընթացը աստիճանաբար կատարելագործվում էր: Երկրորդ դրոմիդայի կազմավորմանն ընդառաջ 1827 թ. մայիսի 24-ին գեներալ-ադյուտանտ Ն.Սիլայագինի ստորագրությամբ հրատարակվում է պաշտոնական հայտարարություն՝ «Առաջադրություն Հայոց նոր սարքվող (կազմավորվող – Հ. Ն.) զորքի համար.

1. Հայոց զորքը կունենայ բատալիոններ (գումարտակներ – Հ. Ն.):
2. Բատալիոնի մեջ են մտնում Հայք (ազգությամբ հայերը – Հ. Ն.) իրանց սեպհական ցանկությամբ:
3. Նրանք վեր են կալնվում 18 տարեկանից մինչև 30 տարեկան մարդիկ...
5. Նրանք պետք է կապվին միայն ծառայել էնքան ժամանակ, քանի կռիվն Ղզլբաշի (նկատի ունի պարսիկների – Հ. Ն.) հետ կու երկարվի, իժում նրանք կու ազատվին գնալ իրենց տներն, կամ մտնել ծառայութեան զորքի (նկատի ունի Ռուսական բանակը – Հ. Ն.) մեջ...
9. Կազմվածք (կառուցվածք – Հ. Ն.) զինուորութեան՝
 Շտաբ-օֆիցեր (շտաբային սպա, դրոմիդայի հրամանատար – Հ. Ն.) – 1
 Կապիտան – 2
 Շտաբ-Կապիտան – 2
 Պոռուտչիկ – 4
 Պոդպոռուտչիկ – 4
 Խազինադար (գանձապետ – Հ. Ն.) – 1
 Ադիուտանտ – 1
 Զուռնա ածողք (փողահարներ – Հ. Ն.) – 4
 Բարաբան ածողք (թմբկահարներ – Հ. Ն.) – 4
 Ունտէր-օֆիցերք (ենթասպաններ – Հ. Ն.) – 80
 Զինուորք – 800
 Զինուորաց սելապանք (սայլապաններ – Հ. Ն.) – 40
10. Օֆիցերների տեղ ջոկվում են ունտէր-օֆիցերներեմէն հրամանաւ գլխավոր զորապետին, իրանց դօչադութեան, խելքի և ջերմեռանդութեան զօրա:
11. Իրանց յատուկ քաջութեան համար կու յայտնըվին վարձ ստանալու առաջին օֆիցերական չինով (կոչումով – Հ. Ն.):
12. Զարթնէ էստուրն, իւրաքանչիւր բատալիոնի մեծաւօրն (հրամանատարը – Հ. Ն.) կուլի Շտաբ-օֆիցեր կամ Կապիտան ներկայ ծառայութեան, որ պիտի լինի հայոցմէ (հայ – Հ. Ն.):
13. Ամեն բատալիոնի համար նշանակվում են քահանայ և հեքիմ (քմիշկ – Հ. Ն.):
14. Ամեն բատալիոն կու բաժանվի յութն հարիւրս: Հարիւրն ի տասն տասնեակս:
15. Իւրաքանչիւր զինուորի խազնիցն կուտան թվանք (հրացան – Հ. Ն.), թասմա գոտիկով պարկ, երեսուն գցելու գուլլով (գնդակներով – Հ. Ն.), բարութով (վառողով – Հ. Ն. ազարյան) և տասն չախմախի քարով (կայծքարով – Հ. Ն.):

16. Իւրաքանչիւր զինուորն պիտի ունենայ իւր սեպհական խանջալն (դաշույնը – Հ. Ն.) և տիւօյի պարկն ուսոյ վրայ չորս օրվան պաշար տանելու համար:
17. Ուսուցիչներն ունենան թուր խանջալի տեղ:
18. Օֆիցերներն ունենան մին ջուլստ (մեկ զույգ – Հ. Ն.) դաքանչա (ատրճանակ – Հ. Ն.) և թուր⁶:
19. Շուրեր՝ (համազգեստ – Հ. Ն.).
 Չուխէն (վերարկուն – Հ. Ն.) բօզ մահուտից (բրդյա գործվածքից – Հ. Ն.):
 Արխալուխն (կոճկավոր վերնագգեստ – Հ. Ն.) նաշուրի (կտորի – Հ. Ն.) մուգ ռանգն (երանգը – Հ. Ն.):
 Շալվարն (տաբատ – Հ. Ն.) նաշուրի էլի էն (նույն – Հ. Ն.) ռանգը:
 Գդակն (գլխարկը – Հ. Ն.) վրացու նման:
 Եափնջի (առանց թևերի, ուղղանկյուն ուսերով, լայն քղանցքով երկար թիկնոց – Հ. Ն.):
20. Ամեն չինովնիկ (պաշտոնյա – Հ. Ն.) ստանայ տօնլուխ (աշխատավարձ – Հ. Ն.) ինչպէս զինուորական աստիճանաւորներն ներկայ ծառայութեան:
21. Շուրի տեղ ստանան զինուորքն 10 մանէթ (ռուրի – Հ. Ն.) սպիտակ դրամ մէկ տարումն, և ուսուցիչներն 15 մանէթ: Էս փեղովն պիտի շուրեր կարել իրանց համար, մինչև կառավարութիւնն կարգացէ (կորոշի – Հ. Ն.) տալ նրանց շուրեր խազինիցն (զանձարանից – Հ. Ն.):
22. Էդ զօրքին կուտան չադիրներ (վրաններ – Հ. Ն.)...(Ընդհանուր 29 կետերից բաղկացած հայտարարության ամբողջական տեքստը տես Երիցեանց 1894, 276–279):

Երկրորդ դրուծինայի կազմավորումը տևեց 2-ից 3 օր: Հունիսի 2-ին գեներալ-ադյուտանտ Ն. Սիայագինը հետևագործի գեներալ Ի. Դիբիչին ուղղված զեկուցագրում հայտնում էր. «Հայկական երկրորդ դրուծինան իմ հսկողությամբ կազմավորված է Թիֆլիսում, 100 մարդուց⁷, սպառազինված և ապահովված է արշավի համար անհրաժեշտ ամեն ինչով, որը Խերսոնյան գրենադերյան գնդի պողպարուչիկ Ակիմովի հրամանատարությամբ ներկայումս Թիֆլիսից ուղևորվել է Երևանի մոտ գործող զորքին միասնալու համար» (Գրիգորյան 1957, 147):

Արդեն օգոստոսին Թիֆլիսում կազմավորվում է Հայկական երրորդ դրուծինան, որի մասին գեներալ-ադյուտանտ Ն. Սիայագինը հետևագործի գեներալ

⁶ Այդ ժամանակաշրջանի սառը գնդի, այդ թվում՝ թրերի ու դաշույնների, և հրազենի, այդ թվում՝ կայծքարային ատրճանակների և կայծքարային հրացանների, արժեքավոր շատ նմուշներ պահվում են ՀՊԹ Զենքի ֆոնդում: Այդպիսի մեկ նմուշի՝ կայծքարային ատրճանակի՝ պատրաստված 1822թ. Ռուսական կայսրության խոշոր զինագործական կենտրոն Տոլայի զինագործարանում, լուսանկարը տես Հավելվածում (նկ. 4):

⁷ Հատկանշական է, որ Մայիսի 28-ին գեներալ-ադյուտանտ Ն. Սիայագինը հետևագործի գեներալ Իվան Պասկևիչին հայտնում է, որ Հայկական երկրորդ դրուծինան կազմված էր 118 մարդուց, որոնց մեջ կային նաև ազգությամբ վրացիներ (Русско-армянское содружество 1978, 133):

Ի. Դիքիչին ուղղված զեկուցագրում հայտնում էր. «Այստեղ կազմավորված Հայկական երրորդ դրուժինան թվով 67 մարդ, պաշտոնաթող կապիտան Բերուրովի (հավանաբար պետք է լինի Բերուրով – Հ. Ն.) հրամանատարությամբ այս ամսի 21-ին անհրաժեշտ ամեն ինչով ապահովված ուղևորվեց դեպի Երևանի, ըստ տրված երթուղու, գեներալ-լեյտենանտ <Աֆանասի> Կրասովսկու մոտ գործող գործախմբին⁸ միասնալու համար» (Գրիգորյան 1957, 147–148):

Հայկական երեք աշխարհագրային դրուժինաներն անցան փայլուն մարտական ուղի: Նրանք մասնակցեցին պատերազմի գլխավոր ճակատամարտերից շատերին այդ թվում Էջմիածնի ազատագրմանն (1927 թ. ապրիլի 13-ին) ու հերոսական պաշտպանությանը (այդ մասին մանրամասն տե՛ս Սորտո 1907Ե), Նախիջևանի ազատագրմանը (1827 թ. հունիսի 26-ին), Օշականի ճակատամարտին⁹ (1827 թ. օգոստոսի 17-ին), և ռազմավարական նշանակության բերդերի, այդ թվում Արասաբադի բերդի¹⁰ (1827 թ. հուլիսի 7-ին), Սարդարաբադի բերդի¹¹ (1827 թ. սեպտեմբերի 20-ին) և Երևանի բերդի¹² ազատագրմանը (1827 թ. հոկտեմբերի 1-ին):

⁸ 20-րդ հետևակային դիվիզիա:

⁹ 1831 թ. Եփրեմ Ա Ձորագեղցի Ամենայն հայոց կաթողիկոսը (1809–1830) դիմում է Ռուսական կայսրության իշխանություններին՝ խնդրելով իրավունք տալ՝ Էջմիածնից 4 վերստ հեռավորության վրա, որտեղ 1827 թ. օգոստոսի 17-ին տեղի էր ունեցել ճակատամարտը, կանգնեցնելու հուշակոթող: Վերջինիս պատվանդանին՝ պղնձե տախտակների վրա, նախատեսվում էր գրել ճակատամարտին մասնակցած ստորաբաժանումների և նրանց հրամանատարների անունները: Ռուս ինժեներ, ռուսական բանակի պորուչիկ Կոնստանտին Կատարաստեց կոթողի նախագիծը, որով նախատեսվում էր, որ այն ունենալու էր 11 սաժեն բարձրություն: Իր հաջորդի՝ Հովհաննես Ը Կարբեցի ամենայն հայոց կաթողիկոսի օրոք (1831–1842)՝ Եփրեմը կրկնում է իր առաջարկությունը: Այս հարցով Հայկական մարզի քաղաքացիական մասի կառավարիչ, հետևագործ–գեներալ, բարոն Գրիգորի Ռոգենը 1831 թ. դեկտեմբերի 21-ին նամակով դիմում է Ռուսական կայսրության Ներքին գործերի նախարար Դմիտրի Բլուդովին: Շուտով կայսր Նիկոլայ 1-ինը (1825–1855) տալիս է իր համաձայնությունը: Արդյունքում, 1833 թ. մայիսի 9-ին՝ Սբ. Նիկողայոս Սքանչելագործ հայրապետի տոնի օրը, Եփրեմ և Հովհաննես կաթողիկոսները մեծ հանդիսավորությամբ կատարեցին հուշարձանի հիմնարկեքը, իսկ շինարարությունն ավարտվեց հաջորդ տարի (Երիցեանց 1894, 294–295): Հուշակոթողը մինչև օրս կանգուն է:

¹⁰ Բրիտանացի ռազմական ինժեներների մասնակցությամբ Արաքս գետի ափին կառուցված Արասաբադ բերդի գրավման մասին մանրամասն տե՛ս Սորտո 1907Ե: Լրացուցիչ տե՛ս Վ. Մոշկովի «Պարսկական Արասաբադ բերդի հանձնումը՝ 1807 թ. հուլիսի 7-ին» կտավը:

¹¹ Սարդարաբադի բերդը կառուցվել էր Երևանի սարդար Հուսեյն խանի կողմից 1815–1817 թվականներին՝ ֆրանսիացի ռազմական ինժեներների մասնակցությամբ: Բերդն ուներ քառանկյուն ձև, պարիսպները երկշարք և բարձր էին, մեծ և ամուր էին բուրգերն ու դարպասները: Լրացուցիչ տե՛ս Վ. Մոշկովի «Պարսկական Սարդարաբադ բերդի գրավումը գրոհով՝ սեպտեմբերի 20-ին» կտավը:

¹² Երևանի բերդը կանգնած էր համանուն քաղաքի հարավային ծայրամասում, Զանգու (Հրազդան) գետի բարձր ու ժայռոտ ափին: Այն երեք կողմերից շրջափակված էր երկշարք պարիսպներով: Ներքին պարիսպը, որ կառուցված էր աղյուսից ու քարից, բավական բարձր էր ու հաստ և ուներ 17 բուրգ: Ներքին պարսպից 32–40 մետր հեռավորության վրա գտնվում էր արտաքին պարիսպը՝ կառուցված կավից ու քարից: Սա համեմատաբար բարակ ու ցածր էր: Բերդի շուրջը փորված էին լայն ու խոր փոսեր, որոնց մի մասը լցված էր ջրով (Բերդի հատակագիծը կազմված ռուսական զորքերի շտաբում տե՛ս ՀԱԱ, ֆ. 247, ց. 1, գ. 120, թ. 1–2): Սեպտեմբերի 25-ից սկսած ռուսական հրետանին Երևանի բեր-

Ռուս-պարսկական պատերազմում ռուսական բանակին մատուցած ծառայությունների և հայկական կամավորական դրուժինաների կազմավորման գործում ունեցած մեծ ավանդի համար ռուսաց կայսր Նիկոլայ 1-ի 1828 թ. հունվարի 25-ի հրովարտակով Ներսես արքեպիսկոպոսը պարգևատրվում է Ալեքսանդր Նևսկու շքանշանով (հրովարտակը տես ՀԱԱ, ֆ, 1389, ց.1, գ.13, թ.11): Ավելի ուշ Նիկոլայ 1-ի 1828 թ. մարտի 15-ի հրովարտակով Երևանի և Նախիջևանի խանությունների տարածքում կազմավորվեց վարչական նոր միավոր՝ Հայկական մարզը (հրովարտակը տես ՀԱԱ, ֆ, 1389, ց.1, գ.13, թ.12):

Այսպիսով, հայկական կամավորական ջոկատները և, հատկապես, դրուժինաները մասնակցելով խոշոր ճակատամարտերին և ռազմավարական նշանակության բերդերի գրավմանը՝ մեծ ավանդ ունեցան պատերազմում ռուսական բանակի հաղթանակի և պարսկական լծից Արևելյան Հայաստանի ազատագրման գործում:

ՕԳՏԱԳՈՐԾՎԱԾ ՍԿԶԲՆԱՂԲՅՈՒՐՆԵՐ ԵՎ ԳՐԱԿԱՆՈՒԹՅՈՒՆ

Արխիվային փաստաթղթեր

ՀԱԱ, ֆ, 151, ց.1, գ.388

ՀԱԱ, ֆ.247, ց.1, գ.120

ՀԱԱ, ֆ.247, ց.2, գ.4

ՀԱԱ, ֆ.247, ց.2, գ.8,

ՀԱԱ, ֆ.501, ց.1, գ.3

ՀԱԱ, ֆ.1389, ց.1, գ.13

Թանգարանային առարկաներ

ՀՊԹ, Ա 4103

ՀՊԹ, ՆՊՖ 1010ա

ՀՊԹ, ՆՊՖ 1010բ

դը ենթարկեց էր ուժեղ ումբակոծության: Արդեն ամսի 28-ից գործի են դրվում 14 պաշարողական հզոր թնդանոթներ: Միայն այդ գիշեր քաղաքի վրա թափվում են ավելի քան 1000 արկ: Հայ մեծանուն գրող Խաչատուր Աբովյանն այդ օրերի մասին իր «Վերք Հայաստանի. Ողբ հայրենասերի» պատմավեպում գրում է. «Ամսի 25-ն էր, որ Երևանու բերդը ծխումը կորավ... 5 օր 5 գիշեր սար ու ձոր դրմբում, դմբմբում էր: Հենց գիտես՝ Սողոմ-Գոմորի քուրջուրթն ու կրակը էսօր ա վեր գալիս: Երևանու, բերդը ձեթը հատած պատրուզի պես, թե մեկ ճրթճրթում էլ էր, մեկ սհաթ քիմի, էլ ետ հանգչում, խավարում էր: Էնքան թոփի գյուլլա էր գլխին ու սրտին դիպել, հոգին բերանը հասցրել» (Աբովյան 1984, 227): Հոկտեմբերի 1-ի առավոտյան ռուսական զորքերի մի ստորաբաժանում գրավում է բերդի հյուսիսարևելյան բուրգը, իսկ մեկ այլ ստորաբաժանում, մոտենալով հյուսիսային դարպասին և խորտակելով այն, մտնում բերդ: Երևանի նշանավոր բերդը գրավվում է: Խանի կայազորը, որ բաղկացած էր 4.000 սարքազներից (զինվորներից), անձնատուր են լինում: Գերի են վերցվում սարդարի եղբայր Հասան խանը, 7 այլ խաներ, իսկ որպես ռազմավար վերցվեցին 4 պարսկական դրոշակներ (Ռազմավար դրոշակներից երկուսը տես ՀՊԹ, ՆՊՖ 1010ա, ՀՊԹ, ՆՊՖ 1010բ, իսկ դրանց լուսանկարները տես Հավելվածում (նկ.5, նկ.6) 49 փոքր և 50 մեծ թնդանոթներ (Երիցեանց 1894, 304): Բերդի գրավման մասին մանրամասն տես Porro 1907a: Լրացուցիչ տես Վ.Մոշկովի «Պարսկական Երևանի բերդի գրավումը գրոհով՝ 1827 թ. հոկտեմբերի 1-ին» և Ֆ.Ռուբոյի «Երևանի բերդի հանձնումը՝ 1827 թ. հոկտեմբերի 1-ին» նշանավոր կտավները:

ՀՊԹ, ՆՊՖ 1011

ՀՊԹ, ՆՊՖ 1012

ՀՊԹ, ՆՊՖ 1012

Կտավներ

Հ. Ռուխկյան. «Գրիգոր Մանուչարյանի հեծյալ ջոկատը մարտի պահին»:

Վ. Մոշկով (Մաշկով). «Պարսիկների պարտությունը Ելիզավետպոլի ճակատամարտում»:

Վ. Մոշկով (Մաշկով). «Պարսկական Աբասարադ բերդի հանձնումը՝ 1807 թ. հուլիսի 7-ին»:

Վ. Մոշկով (Մաշկով). «Պարսկական Սարդարաբադ բերդի գրավումը գրոհով՝ 1827 թ. սեպտեմբերի 20-ին»:

Վ. Մոշկով (Մաշկով). «Պարսկական Երևանի բերդի գրավումը գրոհով՝ 1827 թ. հոկտեմբերի 1-ին»:

Ֆ. Ռուբո. «Ճակատամարտ Ելիզավետպոլի տակ՝ 1826 թ. սեպտեմբերի 13-ին»:

Ֆ. Ռուբո. «Երևանի բերդի հանձնումը՝ հոկտեմբերի 1-ին»:

Գրականություն

ԱԲՈՎՅԱՆ 1984–Աբովյան Խ., Երկեր, կազմեց՝ Հ. Հ. Ֆելեքյան, Առաջաբանը և ծանոթագրությունները Պ. Հ. Հակոբյանի, Երևան, 1984:

ԳՐԻԳՈՐՅԱՆ 1978–Գրիգորյան Ա., Գրիգոր Մանուչարյանի պարտիզանական ջոկատը (Արևելյան Հայաստանը Ռուսաստանի կազմի մեջ մտնելու 150-ամյակի առթիվ), Երևան, 1978:

ԳՐԻԳՈՐՅԱՆ 1957–Գրիգորյան Զ., Ռուս և հայ ժողովուրդների ռազմական համագործակցությունը 19-րդ դարի սկզբին, Երևան, 1957:

ԵՐԻՑԵԱՆՑ 1894–Երիցեանց Ա., Ամենայն հայոց կաթողիկոսութիւնը և Կովկասի հայք 19-րդ դարում. Մասն Ա (1800 - 1832 թթ.), 1894:

ԼԵՈ 1984–Լեո, Երկերի ժողովածու, Հատոր 4, Հայոց պատմություն, Ժամանակակից պատմություն (դարի առաջին կես), Գիրք առաջին, Երևան, 1984:

ԽԱՉԱՏՐՅԱՆ 1972–Խաչատրյան Հ., Հայ և ռուս ժողովուրդների զինակցությունը ռուսական բանակի կապիիական արշավանքում, Երևան, 1972:

ՄԵՐ ՀԱՂԹԱՆԱԿՆԵՐԸ 2012–Մեր հաղթանակները. Հատոր Դ, Երևան, 2012:

ՕՐՄԱՆԵԱՆ 1927–Օրմանեան Մ., Ազգապատում. Մասն երրորդ. 1808 տարիէն մինչև 1909, 1927:

ДОГОВОРЫ РОССИИ 1869–Договоры России съ Востокомъ. Политические и торговые. Под ред. Юзефович Т., СПб, 1869.

ПОТТО 1902–Потто В., Первые добровольцы Карабага въ эпоху водворенія русскаго владычества (Меликъ-Вани и Акопъ-Юзбаши Атабековы), Тифлисъ, 1902.

ПОТТО 1903–Потто В., Геройская оборона крепости Шуши, изд. 2-е, С.-Петербургъ, 1903.

ПОТТО 1888–Потто В., Кавказская война въ отдельныхъ очеркахъ, эпизодахъ, легендахъ и биографияхъ. Томъ 3, изд. 2-е, С.-Петербургъ, 1888.

ПОТТО 1907a–Потто В., Битва подъ Шамхоромъ (Князь Мадатовъ), 1907.

ПОТТО 1907b–Потто В., Елисаветпольская победа, изд. 2-е, С.-Петербургъ, 1907.

ПОТТО 1907в–Потто В., Взятіе Аббасъ-Абада и Джеванбулакскій бой. Изд. 2-е, С.-Петербургъ, 1907.

ПОТТО 1907г–Потто В., Занятіе Эчмиадзина, изд. 2-е, С.-Петербургъ, 1907

ПОТТО 1907д–Потто В., Покореніе Эривани. Изд. 2-е, С.-Петербургъ, 1907.

РУССКО-АРМЯНСКОЕ СОТРУДНИЧЕСТВО 1978–Русско-армянское сотрудничество в период присоединения Восточной Армении к России 1826–1828 гг. Сборник документов. Главных редактор, Арутюнян А., Составители Эвоян В., Казарян Э., Мирзоян С., Оганесян Дж., Ереван, 1978.

Садовень 1955–Садовень В. В. Русские художники баталисты. XVIII–XIX веков, Москва, 1955.

СОВЕТСКАЯ ВОЕННАЯ ЭНЦИКЛОПЕДИЯ 1977–Советская военная энциклопедия. Том 3, Москва, 1977.

Hayk Nazaryan

PhD in History

History Museum of Armenia

nazaryan_h90.90@mail.ru

THE STAFF LIST, NUMERICAL STRENGTH, UNIFORM, ARMAMENT AND MARTIAL FLAGS OF ARMENIAN MILITIA DRUZHINAS DURING THE RUSSO-PERSIAN WAR (1826–1828)

Keywords: Russo-Persian War, Transcaucasus, Russian Empire, Russian Army, Volunteer Detachment, Militia Druzhina, Archbishop Nerses.

During the Russo-Persian War (1826–1828) Armenian Volunteer Detachments were organized and three Militia Druzhinas were formed. The main organizer of this process was the spiritual leader of Armenians in Georgia, Archbishop Nerses.

The three Armenian Militia Druzhinas passed a brilliant martial way. They took part at the main battles of the war and liberated the strategic fortresses. As a result they had their great contribution in the victory of Russian Army and the liberation of Eastern Armenia from the Persian yoke.

Айк Назарян

Кандидат исторических наук

Музей истории Армении

nazaryan_h90.90@mail.ru

ШТАТНЫЙ СОСТАВ, ЧИСЛЕННОСТЬ, ОБМУНДИРОВАНИЕ, ВООРУЖЕНИЕ И БОЕВЫЕ ФЛАГИ АРМЯНСКИХ ОПОЛЧЕНЧЕСКИХ ДРУЖИН, УЧАСТВОВАВШИХ В РУССКО-ПЕРСИДСКОЙ ВОЙНЕ 1826–1828 ГГ.

Ключевые слова: Русско-персидская война, Закавказье, Российская империя, Русская армия, добровольческий отряд, ополченческая дружина, архиепископ Нерсес.

Во время русско-персидской войны 1826–1828 гг. было создано несколько армянских добровольческих отрядов, а, по инициативе Главы Грузино-Имеретинской армянской епархии архиепископа Нерсеса, сформированы три армянские ополченческие дружины.

Ополченческие дружины прошли блестящий боевой путь, принимая участие в главных сражениях войны и освобождении крепостей стратегического назначения, тем самым внесли большой вклад в победу Русской армии в этой войне и освобождении Восточной Армении от персидского ига.